

十朝东华录

十朝东华录

九月癸酉朔諭內閣恭親王奕訢第一子著命名載澂○諭前因浙江衢州告警張芾飭周天受等開道馳援迨令境肅清降旨將張芾賞戴花翎茲據奏稱墨經從戎惟當力圖報稱且周天受被劾之款猶奉旨查辦未敢濫竊寵榮益增罪戾將前賞花翎撤銷等語此次張芾分兵援浙著有成效即周天受亦經賞還提督銜朕權衡賞罰罪分明所有張芾前賞花翎著毋庸撤銷○都興阿李續賓奏皖賊麇聚太湖狡悍異常糾眾不下三萬嬰城固守加增城牆城外濬濠築壘外築卡又於東北路四十里之香鋪四十里之小池驛各築壘三座於東路五十餘里之黃泥港地方修築大壘鑄礮聚糧布置極為嚴密等語○欽攻城以元破壘七月二十八日都興阿派多隆阿於八里岡出隊牽制城賊李續賓飭副將趙克彰等分五路出攻東岸壘親督湘中湘右營及親兵等營分五路攻城該逆先於壘中出七八千人朱希廣迎頭衝擊趙克彰等自山內突出橫鉞截殺潰約斃千餘名生擒五十六名其時李續燾等均乘勢攻毀各卡斃賊七八百名復偪攻大壘諸弁勇陣數次被復後壘未即攻入八月初一二等日都興阿飭參將石清吉等營進紮城南賊乘營壘未成即以大隊攻撲石等整隊迎擊該逆敗退迨至河邊斃賊數百名李續賓率各營偏城之東面及西北駐紮初六日飭李續燾等攻毀楓香之賊壘初九日仍飭李續燾等擊破小池驛賊壘前後約殺賊七八百名其東山頭南首該逆乘夜復修新壘初十日都興阿飭石清吉等分路並進馬隊隨後策應李續賓飭龔勝日等協力進攻斃賊約七百餘名將各壘平毀十二三等日各營疊次山隊誘賊出戰賊匪不出十五日飭多隆阿等將大礮密運山頭謝承祐等營由西北面攻城李續燾等營分攻東岸下壘率多阿等營先轟東山迤南賊壘該逆專防前面不料大隊由山後鈔襲紛紛墮濠我軍前後兜殺殆盡各營遂乘勢攻東岸浮橋化勝勇繞道晁水攻河西賊壘屢戰逾時飛虎三頭第一大壘該逆四面固守我軍搬運柴薪木板堆積壘邊諸勇奮身肩累而上盡殲賊無一得脫中有黃袍賊目十餘人偽印景景奪獲槍礮等件無算等知賊膽已寒急飭各營併力攻擊龔超等進攻第二壘周寬世等進攻第三壘等復親督石清吉李存等分段攻城署太湖縣知縣蔡鐸亦率團勇隨後接應各營輪番疊攻二更時火箭入城中然燒藥局煙燄噴烈西北二面各勇奮呼登城賊紛紛由東南兩門突圍逃竄二壘之賊亦拌命衝出各路集團追殺餘匪亂竄乘四山翻越各營弁勇與多隆阿等馬隊分投追殺五十餘里計共斃賊五六千名遂將太湖縣城收復十八日李續賓派趙克彰等進紮小池驛復派保慶等馬步十四營進攻黃泥港我軍分路猛進力撲該逆越牆逃逸約殺斃千餘人奪獲大礮四十七尊贏馬軍械無數該逆向屯集石牌及潛山縣等共商乘勢力構節節端蕩然後分兵下趨舒桐赴援廬州上諭安徽太湖縣城溪山險阻逆賊踞為要害將軍都興阿布政使李續賓分督兵勇平毀各卡進攻各壘當將太湖縣城克復仍著該將軍等督率諸軍將竄屯石牌及潛山縣節節端蕩

並分兵下趨舒桐趕援廬州○論軍機大臣等勝保奏雷兵防剿懷鳳並拔營南剿赴滁受撫請飭袁甲三等專顧北路各摺片所籌尚合機宜定遠池河該大臣均已派員帶兵前往其懷遠逼近賊壘酌雷龍澤厚等督兵駐紮遊擊唐玉輝等堵剿鳳陽之賊勝保已拔隊南征與翁同書會商攻復廬州懷鳳各軍仍由該大臣兼顧袁甲三等專顧徐宿捻匪以固北路藩籬至李兆受投誠一事果能獻出餘城於皖北軍務有益況見在浦口失守羣賊更趨德興阿軍營退守六合情形甚為喫重勝保此行可論令李兆受乘此多事之秋勦賊立功必膺重賞看其能否即獻餘城並為勝保前驅誠心效順見在徐州竄匪已入豫東二省雖經團勇擊退而匪徒爭突羣常實有防不勝防之患勝保既責成徐廣綰調度懷鳳軍務並仍自行兼顧袁甲三等專力掃除徐宿捻匪毋煩南顧更屬得力勝保與袁甲三等各專責成仍能統籌緩急不分畛域所謂師克在和朕實有厚望焉將此由六百里各諭令知之○諭張芾奏皖南軍情緊急請飭調統兵大員回防協剿一摺福建賊匪同竄江西復由德興東犯皖南浮梁之賊亦屢圖內犯竊祁密運賊氛微飭萬分喫重該處專情總兵江長貴一人調度恐有顧此失彼之虞總兵周天受久在皖省情形熟悉著胡興仁即飭該將此由六百里諭令知之○諭扎拉芬奏會議業有就緒一摺此次俄使行抵爾巴哈臺會議情形昨已據明諠詳細陳奏所許興修房屋令華商貼補並以茶抵補各款均向妥協已諭明諠即行照辦並令立合同條約以免另生枝節茲據扎拉芬奏所存夷貨須俟該城傳集夷商勘估再定抵茶價值等語亦著照辦即可將此案速議結至伊犁與該夷通商之處亦應妥為彈壓勿令別滋事端其餘未盡事宜並著該將軍與明諠妥協籌議以靖邊防將此諭知之○和春奏八月二十一日逆匪衝破江北大營分股圍攻江南一面盡銳東趨逆眾萬餘竄至六合西南距城止十里許聞賊勢不及三千此外皆係民團德興阿甫由小路抵六合集馬隊數百名紮營東面兵單賊眾危急萬分當飭遊擊孔朝彪管帶精銳二營刻日渡江會同防剿仍由總兵馮子材統帶其前次北援兵勇五千挫衄之餘不足以資御敵仍令撤回江南又江浦一邑孤懸賊中出入通存城及外兵勇僅有二千七八百人賊已三面合圍孤立無援必應設法往救因飭總兵李若珠帶隊由江口往援該文武員弁兵勇即於二十三日一險出圍並拔出難民男婦一千三百餘人當飭此起官兵於渡江後由石埠橋前往六合併歸堵剿至金陵賊勢連日股出巢數路衝撲張國樑親督各將備等隨堵隨擊均即敗退而二十三日一仗追北直抵雨花臺逆營斬馘尤多男勇亦開有傷亡臣查該逆知我分兵他往是以疊次圍撲濠牆以圖大逞幸此開南北濠牆一律寬深堅厚官兵分屯扼守以逸待勞可無他慮惟沿江寶塔根上下賊已安設大礮轟擊觀音門水營轟據總兵陳國泰等會函告急並稱市肆既空糧食無從購辦仍嚴飭該鎮等盡力堵禦以杜其水路下竄德興阿潰退後該大臣收合餘燼共有若干暨見在如何布置堵禦之處等無從知悉六合縣賊匪烏水過河三面攻撲其勢甚張萬一稍有疏虞大局更無從收拾駐軍南岸兼顧為難而甯國之賊又復蠢動

聚鄧紹夏面請官兵往救此江浙兩省一大屏蔽關繫尤鉅無如兵力屢分之後此時更難旁及想浙江撫臣胡興一必能將甯國

赴援浙江之師趕緊調回竭力圖維也報聞○以捐輸軍餉永廣湖南瀏陽縣學額六名湘陰清泉新甯各五名醴陵四名益陽攸

那陽各三名甯鄉已陵平江衛陽衡山沅陵辰谿武陵龍陽各三名湘鄉安化茶陵耒陽邵陽武岡新化漵浦桃源正江麻陽保靖

龍山會同石門慈利永定各一名○以克復安徽太湖縣城副都統多隆阿總兵官鮑超下部議敘餘升擢加銜有差○甲戌諭軍

機大臣等前據德興阿奏浦口失利收拾潰軍力扼六合東路甚為喫重本日據楊能格奏親赴邵伯截留潰軍擲運糧臺雖賊

未遽竄至揚城而人心不免震動恐其紛紛遷徙必致土匪乘機竊發自啟亂萌何桂清見赴蘇州會辦夷務著即派明幹大員

赴揚州會同藩司楊能格督飭該府縣在城彈壓使居民安堵以靖內患此時德興阿既未能分兵保護揚郡和春遠在江南何

桂清於常鎮一帶如有可撥之兵即著酌撥赴揚以資防守並著邵燦庚長於河漕兩標內撥兵前往協同守禦○銀米已移至

邵伯著楊能格加意防護並趕緊整備軍裝火藥器械等項接濟德興阿軍營毋誤要需將由六合力保儀揚猶費和春派往之援

傳諭楊能格知之○乙亥諭軍機大臣等前因浦口失利東路危急疊經諭令德興阿由六合力保儀揚猶費和春派往之援

兵五千名攻剿得力重振軍威不意本日德興阿奏報江南官兵竟至三次挫衄僅餘二三百名管帶渡江馬隊潰敗六合孤危覽

奏曷勝憤懣據奏請簡派和春張國樑一人渡江援剿此時金陵逆黨時圖衝撲恐功敗垂成該大臣等未必能分身北渡已諭

令再於南岸撥精兵二千迅速赴援並諭知勝保翁同書令提督德安挑帶官兵前往六合協剿本日復據何桂清奏已調上海火

輪船入江助剿並將浙江撤回之西安馬隊三百名催赴江北前派去吉林及有提標馬隊共四百五十名諒已趕到著德興阿

鞫嚴華一面催提各路援兵一面將收集各兵即交成明統帶會同溫紹原羅斌等見有兵勇並當明阿招回馬隊實力堵剿務

其大保不致有虞○其房前老彭廖才前固守則江北大局不可收拾○一路均難安枕該大臣等雖抱病受傷仍當勉力督率

不可稍形鬆勁摺內所稱南兵二千接仗失利是否和春等續派馬騰霄所帶之兵其最後添派孔朝彪所帶之二千名自應得力

卽江浦存兵二千七八百名既已全師而出併入六合亦著飭令協同攻剿以厚兵力昨經諭令保奏之武職大員該大臣等如商

定有人卽迅速具奏一面先令統率各軍俟德安到營會同督剿毋誤事機將此由六百里諭令知之○諭昨據和春奏探聞江北

援兵潰敗復派兵勇二千名赴援本日據德興阿奏六合賊勢萬分猖獗江南援軍與之接仗三次退敗收集殘兵已由馮子材管

帶過江六合孤城危急請分派和春張國樑一人渡江援救等語現在德興阿患病鞠殿華受傷未愈而賊鋒方張六合設有疏虞

則揚城亦屬可慮實於大局有關和春張國樑團剿金陵正當喫緊自未能分身前往惟浦營兵勇悉已潰散德興阿等幾無一旅

之師亟應厚集援兵方足以資堵禦見已諭勝保飭令德安統兵前往援應所有江南派去援兵五千名數不爲少何以一戰卽潰

此時收集殘敗僅得二三百名業已渡江南去止有續派遊擊孔朝彪所帶兵一千名恐不敷援剿著和春等再於大營抽撥勁旅

二千名起日渡江合成四千之數派得力鎮將統帶前往以保六合莫可重振軍威再據何桂清奏稱聞賊撲六合已飭令上海商捐火輪船入江助剿當此危急之秋得此可助水師之力著該督卽飭該船迅駛入江並著和春等妥爲調遣以壯南北兩岸聲勢將此由六百里各諭令知之○諭德興阿奏官軍潰敗六合危急請速籌援救一摺逆賊攻撲六合德興阿等接仗失利江南兩次派援兵勇亦皆潰敗德興阿等見已退保儀徵設使六合再有挫失則儀揚震動大局不堪設想本日已諭令和春等再行續撥精兵赴援並諭何桂清令上海商捐火輪船入江助剿惟賊勢過於狡狴而德興阿病重鞠殿華受傷未愈兼恐調度一切需人相助因思德安一軍本由江南赴皖該提督老成歷練堪資臂助著勝保翁同書卽令德安統帶勁旅馳往六合救援並助德興阿等調度毋稍遲緩至李兆受獻滁立功一節並著勝保剴切曉諭許以重賞令其速卽歸正使賊眾自亂亦足以挫其兇鋒將此由六百里諭令知之○以籌辦湖南軍務出力賞在籍郎中左宗棠四品卿銜○以克復江西吉安府城同知曾國荃等升擢加銜有差○子江南浦口六合陣亡副都統台斐音保等祭葬世職○丙子諭軍機大臣等前因勝保軍營需用馬隊諭令袁甲三於綏遠城馬厰至後以二百名匿於後營兵營三百名卽飭赴月傷軍營本日據勝保奏在駐兵池河適當逆匪北竄之衝兵力實形單薄請催前調馬隊馬匹速卽前往等語所有綏遠城馬隊三百名著袁甲三遵照卽行如數撥往勝保軍營聽調並帶所撥馬匹一併催令迅速進行毋許延誤至袁甲三軍營幫辦之員據勝保奏傳振邦史榮均均可勝任已降旨令傳振邦幫同袁甲三辦理剿匪事宜矣將此由六百里諭令知之○諭勝保奏統籌南北大局請豫籌堵剿摺所陳賊勢軍情不爲無見此時南路情形自以江浦等處爲最重該大臣所稱先復滁州應援東路然後併力廬郡節節進兵固係先其所急但該大臣督師懷定之交正以嚴扼捻逆句連之路未必遂能親往赴援昨已諭知該大臣等令提督德安統兵前赴六安援並助德興阿調度卽爲應援東路之師著勝保翁同書卽遵前旨速爲調撥至潛太一路昨據都興阿等奏已進克太湖自可漸次舒桐惟都興阿其李續賓馬步各軍相爲輔翼勢難抽撤一軍分路進剿前諭官文酌分楚軍數千繞赴北路至今未據覆奏俟其覆奏到時再當察看○置捻匪之由徐宿北竄者已經山東河南兵勇沿途截剿同竄賴毫老巢山東被陷之曹縣城武均經克復豫境亦無匪蹤所稱飭僧格林沁撥兵駐紮大名曹州已可無須且此時夷務尚未大定天津防兵亦難遽撤該大臣既統皖北全軍惟當與翁同書協協力專心進剿未可以兵單餉絀爲詞坐令久稽時日將此由六百里諭令知之○命江南徐州鎮總兵官傅振邦幫同太僕寺卿袁甲三辦理剿匪事宜○以東陵蠱王廟疊著靈爽命改爲五神祠頒御書扁額○丁丑諭軍機大臣等官文奏調兵募勇前赴徐宿助步進招據稱都興阿李續賓馬步各軍仍應由南路進攻潛舒步剿一偏惟北路空虛見已派遊擊張萬祿爲頭起程道唐訓方爲二起共帶兵勇四千二百名前赴袁甲三軍營助剿並調普承堯等軍回九江候調等語所籌均屬周密北路匪眾由豐沛撲援東豫復回蒙亳賊勢踴張尙未知竄撲何處袁甲三兵力單薄著官文飭令唐訓方等各統所部迅速前進相機助剿勿以調募需時

豫復同家毫賊勢雖張尚未知實情

稍稍進發至定遠情形亦極危急都興阿等或能即抵舒城自可與勝保等就近會商並著官文咨令妥為籌辦至督承堯一軍如可由英霍赴援更足以分賊勢並著斟酌調派將此由六百里諭令知之○諒據勝保奏稱徐廣綬見患中風懷憂一軍統率無人請飭袁甲三趕緊前進或派員幫辦等語已諭知瑛榮飭令新授貴州按察使王庭蘭馳赴懷遠代徐廣綬帶兵剿匪該員見在來京陛見途中接到行知自可趕緊折回其未到以前著勝保即飭龍澤厚暫行統率實力攻剿袁甲三自東豫捻匪回甯亳州後即奏明移營前進仍赴宿州當此懷鳳剿匪喫緊之時宿州相距不遠自應力籌兼顧未可牽綴一處致令淮南淮北聲息不通勝保昨奏請飭李續賓由英霍起兵規取舒桐本日據官文奏報李續賓等軍未能分路抽撥仍應由潛山舒桐步步進信與勝保大軍南北夾擊至江西吉安見已克復擬調回兩軍以劉騰鶴一軍扼紮九江抵回李續賓舊部兵勇以普承堯一軍派中英霍一帶進援定遠所籌均合機宜勝保將懷鳳一帶布置妥協督兵南下自可與楚軍會合不虞兵力之單也○前調楚軍一援徐宿本日據官文奏報已派遊擊張萬祿帶兵一千二百名由襄入豫派唐訓方帶原部一千名並添募二千名作為二起一併赴援淮北惟此項兵勇調到需時袁甲三當就見有兵勇力圖掃蕩毋誤事機將此由六百里各諭知之○諒前因九江郡城克復李續賓等即日移師東下諭令王慶雲等將各該省應解湖北軍餉查明迅速籌解本日復據官文奏楚省分道東征各軍暨江西普承堯等水陸各軍並月撥留國藩援閩之師需餉甚鉅倍於往時而各省協撥楚省之餉解楚寥寥請飭協濟等語楚省需餉甚殷雖不至如皖省之支絀然以一省兼顧江皖等省派出兵勇不少則軍食浩繁斷難獨力支持亟應速籌協濟著王慶雲恆福會望顏仍遵前旨將各該省每月協撥楚北餉銀源源接濟俾東下各軍毋致乏餉以利進行此由五百里各諭令知之○山東巡撫崇恩奏出省督辦土匪顯撫兼施得旨土匪滋事雖不比捻逆冒冒然稍涉鬆勁必致曠日巨患除隨時認真剿捕外尤在各屬妥辦團練選名正紳耆名望者以督之自能防患於未然惟不可漫無稽考官不守其俸望之義舉徒為劣紳肥囊之具以致抗糧毆差聚而難散其魚肉鄉曲有甚於土匪更不可不防著查看情形妥為布置能否一齊舉行之處勘明密奏不准先播風聲致不法之輩有所藉口○戊寅諭軍機大臣等德興阿等自退保儀徵後未據續有奏報本日據楊能格奏儀徵已於八月二十八日失守揚郡萬分危急見在函商鞠殿華前赴蕪福橋調度等語當此賊勢猖獗德興阿等自應以力保揚州為要務本日已諭知胡興仁將浙江調回之總兵周天培一軍飭令徑赴揚州藉資防剿必須揚州得保無虞乃可徐圖克復儀徵等處德興阿等收集潰兵見有若干是否能成一軍亟應先行扼定險要以為立腳之地前經諭令和春續撥官兵二千名合之扎朝彪所帶共成四千名赴援六合本日復諭令胡興仁將甯國軍營添募之勇二千名一併派往六合攻剿德興阿等退保儀揚不能兼顧六合而該縣城堅地險團勇足恃斷不可聽其失陷此時各路援兵能解六合之圍則挽回尚有可望前調德安赴江北原為協助德興阿等調度起見今相隔已遠已諭令德安徑赴六合援剿矣總兵毛三元前在三次河駐紮係屬揚州下游該員素稱善戰諒此軍向無潰散情事德

與阿自應調赴前敵以遏兇鋒較之收集潰兵當爲得力其糧臺軍火既經楊能格奏稱分移裏下河一帶著卽添造軍械妥爲保護以資接濟將此由六百里加緊諭知德興阿鞠殿華並傳諭楊能格知之○諭勝保翁同書奏江北大局決裂派兵馳赴天長扼剿並以後路有警勝保未能親赴來安截擊各等語江北自浦口失守後德興阿等退保儀徵本日疊據邵燦庚長楊能格等奏報儀徵天長相繼失守揚州危急勝保等諒已續經探悉該大臣等急須攻復廬州仍應兼顧懷鳳於東路攻剿自覺鞭長莫及見既派馬隊馳赴天長亦足以分賊勢惟此時六合一縣被圍日久溫紹原素得民心尙能嬰城固守但使此城得保無虞則規復儀徵等處尙易措手所有勝保等派出之莫爾廣阿馬隊著卽飭令迅速統帶啟程前往六合援剿前因德興阿病重鞠殿華受傷諭令傳知德安帶兵前赴浦口幫同德興阿等調度一切此時德興阿等遠駐儀徵未能與之會合德安著卽帶兵迅速前赴六合會同莫爾廣阿所帶馬隊力解城圍總須於有賊之處認真擊剿毋許觀望不前致滋貽誤勝保另片奏袁甲三奏報豐縣收復日期與該大臣所聞不符豐縣賊匪據袁甲三奏稱因聞官兵大至棄城逃遁於十一日將縣城收復既據勝保奏收復日期不符已諭令袁甲三明白覆奏矣催此等事多難該大臣等共辦一事惟應和衷共濟以期紓朕憂不得以小嫌細故動輒爭執致誤緊要機宜將此由六百里諭令知之○諭前因浦口大營失陷南岸援兵先後潰敗當經諭令和春添派官兵二千名連前派孔朝彪所帶官兵合成四千名前往救援本日據該大臣奏江北危迫情形未見續派援兵自係尙未接奉前旨見在天長儀徵相繼失守江北各屬已有剿不勝剿之勢德興阿鞠殿華見擬扼紮萬福橋止能力顧揚州勢不能再援六合堅城中峙經溫紹原等激勵練勇保守數年一旦有失則民心愈怯賊匪益無忌憚本日復據胡興仁奏稱甯國軍營募勇二千名咨明鄭魁士選派將弁帶赴六合並由浙江籌撥餉銀一萬兩解往等語鄭魁士能否親往此項新募之勇能否得力均可定必須有官兵爲之領率始能有濟著和春仍遵前旨速撥官兵二千名協同此項勇丁徑赴六合務使危城得保然後可徐圖進剿此時惟有上保六合下顧揚州爲最要關鍵浙江調回之周天培一軍已諭知胡興仁飭令徑赴揚州隨同德興阿等進剿以爲圖復復之計該大臣卽飭知鄭魁士無論是否親往總以速援六合爲要至江北失事以後金陵賊投益眾雖屢經擊退仍當實力堵剿不可稍有存大意此由六百里加緊諭令知之○諭本日據邵燦庚長奏清淮防剿喫重軍餉支絀請飭東省迅速撥兵助餉各一摺臨淮之賊既思下竄浦營天陷後六合被圍天長儀徵相繼失守該處距蔣壩高竄甚近防不勝防邵燦派副將鶴齡等帶兵擇要設防扼守淮安舊城並庚戌所籌團練勸捐等事布置均尙周妥清淮爲北路咽喉關繫至重亟須以重兵堵剿方免震動全局山東自捻匪竄回老巢後餘匪業已肅清且距清江較近著崇恩迅撥精兵一千名派得力將弁管帶馳赴清江交邵燦等酌量調遣以固北路藩籬毋稍延緩至清江軍餉萬分支絀添兵必須籌餉並著崇恩迅速撥銀五六萬兩委員解赴清江以濟要需將此由六百里各諭令知之○諭胡興仁奏飛調援浙兵勇赴六合助剿一摺援浙之周天培一軍據稱業由該撫咨催由福建馳赴六合助剿惟由建甌折回道路

戰遠恐其緩不濟急見在天長儀徵亦相繼失陷揚州萬分危急該處爲北路屏蔽並無重兵扼守著胡興仁即飛咨周天培帶領兵勇徑赴揚州助剿先將郡城保護然後再圖攻復儀徵至所稱鄧紹良鄭魁士招募生力勇二千名前赴六合因恐新募之勇未經戰陣本日已諭知和春令其添派官兵同往鄭魁士能否親往並諭和春酌辦如能將甯營舊勇調赴而以新勇畱於甯營尤能得力卽著咨商鄧紹良等妥速辦理其由浙省籌銀一萬兩之處並著該撫迅速解往交鄭魁士給發以資接濟周天培兵勇口糧到揚後恐有不繼並著該撫寬爲籌備攜帶前往毋令缺乏將此由六百里諭令知之○己卯諭軍機大臣等前因桂良等奏會同夷務大概辦法並何桂清奏免稅開禁均於夷酋無涉等語已於各摺片內嚴切批示並諭知何桂清當力持定見卽或稍爲變通亦須將窒礙之處詳細陳明不可自出己見桂良等接奉批諭自當恪遵初定辦法乃本日據惠親王等呈遞桂良等所致信竟云免稅無裨大局弛禁之說亦屬無裨其駐京一節已有端倪入江一節頗難挽回惟有不准將內地貨物卽在內地販運無利可圖其念可息等語朕披覽之下深爲詫異何桂清以關稅接濟軍餉爲慮雖屬可原然業經奉寄諭硃批該部議奏該部已不應再有異議況桂良等奉命而出宜如何恪遵諭旨力籌辦法乃尙未會晤意已游移是何意見上免稅卽有窒礙亦應條分縷晰詳細陳明請旨何得遽改辦法況既准其入江安能禁其將內地貨物在內地販運桂良等前在天津濫允該夷要求至有今日補救之事若再苟且了事不爲一勞永逸之計日後夷患疊起卽將桂良等從重治罪於國何補至免稅一節據云夷商所樂而夷酋並不知感既有益於夷商豈有夷酋不樂之理此次在天津請戶部堂官前往上海議稅則豈非夷酋之意況此時欲收華商之稅原以補償所免夷稅若如桂良等所擬辦法又必規此小利而冒不韙之名後患仍無窮彼時悔之無及著桂良等再行悉心妥籌如欲另議辦法能否一勞永逸苟非確有把握朕亦斷難俯允仍當恪遵原議○細釋疊次批示止可稍爲變通不可更改大局並不准如前名詞自便言僅以從重治罪四字爲要著地步慎之○○龍江馬甲一千名○撥山海關稅銀一萬五千兩充直隸防兵經費○庚辰諭軍機大臣等德興阿奏收集潰兵移紮五臺山一摺天長儀徵相繼失陷此時維持北路大局自以力保揚城爲要見在收集潰散兵勇三千餘名暫令休息俟揚城一帶布置定妥仍當激勵兵勇恢復儀徵等縣爲進取之計不得株守揚州致逆賊知我虛怯更肆鴟張六合孤城被困雖溫紹原素得民心暫堪固守若日久無援亦恐力竭失陷本日據德興阿奏和春調回此項援師有六千餘名之多著卽飛咨和春知照周天培等帶兵各員分半救援六合分半馳赴揚州協同德興阿攻剿兩處兼顧不至疏虞將此由六百里諭令知之○諭翁同書奏募兵不能得力請飭直隸省挑選精兵一千名赴皖聽調等語見在皖省南北兩路賊捻俱熾自應汰除疲兵添益勁旅以資攻剿惟山東曹州等處甫經解圍而土匪竊起尙煩兵力埽蕩昨因清淮告警命調山東兵一二千名前赴江蘇尙未知能否如數撥往直隸與山東交界地方亦須防範所有正定大名鎮標各兵斷不能遠赴皖省轉致北地空虛前據官文奏李續賓等軍仍由潛山舒桐步步進逼當可與勝保大軍會合又江西吉安業已克復普承堯

一軍亦由英霍一帶進撥定遠皖省得此兩路官兵當可分投剿辦此外各路見俱無兵可撥至所請飭催山東省地丁銀兩及山
陝月撥餉銀已諭知各該撫趕緊籌解矣將此由六百里諭令知之○諭據翁同書奏寇氛日偪餉需不繼請飭催軍餉等語見在
安徽南路賊勢猖獗北路捻匪充斥分兵防堵籌餉維艱自係實在情形著崇恩速將部撥地丁銀五萬兩如數趕解並著恆福曾
望顏仍按月籌撥銀二萬兩解至翁同書軍營以清要需毋稍遲誤將此由五百里各諭令知之○諭曾國藩奏請飭四川協解餉
銀等語曾國藩援閩之師駐紮江西弋陽攻克安仁兵勇雲集除湖南湖北江西每月各協濟餉銀外尙不敷銀二萬餘兩見擬由
滬溪入雲際關進剿延邵該省餉項支絀無款可籌著王慶雲按月協解餉銀二萬兩由蜀江運至湖北轉解該侍郎軍營江西全
省肅清數月後如可就近籌濟即可毋庸續解將此由六百里各諭令知之○諭前調赴通州駐紮之察哈爾官兵經傅格林沁挑
畱一千名其餘一千名同屯駐南苑之察哈爾兵一千撤回歸伍著慶昫仍將此項撤回兵二千名備齊軍械馬匹駐紮張家口外
聽候調遣將此諭令知之○閩浙總督慶瑞奏收復建陽縣城報聞○予王陣亡知縣劉本傑等祭葬世職○辛巳官文都興阿
李紱奏逆匪分股屯聚潛山縣城及懷甯屬所屬之左縣鎮地方八月十八日李紱實飭副將趙克彰等進駐小池驛又派總
兵李續燾等移紮黃泥港二十一日趙克彰等進至潛山縣城北門外之彰法山莊營賊出大隊六七千人轟擁來撲各營趙克彰
等突出擊之殲其先鋒悍賊數十人該逆稍卻仍列陣山岡副將何紹彩等由右一鈔出保慶等馬隊由山谷繞出賊後四圍掩襲
賊大驚潰潛山縣胡履坦亦率團練相助各營乘勢攻壘把總熊士正等首先登壘各勇奮猛齊撲計破賊壘七座壘中之賊殲
斃無遺隨即進逼城根緣登數次均爲礮石所阻該逆於是夜四更時由東門遁去步跟蹤追擊三十里約斃賊四五千名奪獲
大礮七十三尊贏馬五十餘匹刀矛旗幟無算當將潛山縣城克復○都興阿派翼長奎阿進駐蠟桐柯又派副將鮑超進駐李
家店自率各營進駐茶鋪嶺以圖石牌二十三等日我軍營盤未定賊屢次來撲均經擊退二十五日鮑超等進攻下石牌雷公
埠等處賊壘多隆阿率隊進攻上石牌西北岸賊壘○都興阿率親兵馬隊出中路策應該逆見大兵紛至力圖抵禦鮑超力攻雷
公埠賊壘拔樁越濠拋擲火罐壘中火起各勇奮躍入圍壘賊盡斃斃時多隆阿攻破上石牌西北賊壘亦殲賊殆盡餘壘之賊皆驚
竄覓渡各勇分途截殺並轟水奪獲礮船截斷浮橋賊溺斃者不少其鎮中屋內之賊先逃過東岸者亦經馬隊繞渡鈔擊步隊
營遂乘勢過河分攻東岸各壘賊紛紛奔竄馬隊追四十餘里屍骸徧地計平毀賊壘十六座殺溺之賊約六千餘人所殺騎馬財
目甚多生擒四百餘名奪獲大礮六十餘尊贏馬七十餘匹石牌上下兩鎮賊壘一律踏平所有陣亡外委周興文等擬請照把總
例議卹把總熊士正擬請照千總例議卹等○查潛山東至安慶一百里東北至桐城一百二十里皖北之賊頻年四處分竄皆以
安慶爲老巢而恃桐城爲犄角一處各屯逆眾數萬幾成不拔之禍基而桐城毗連舒城尤楚軍北行必由之路等擬以一軍聯
絡水師進攻安慶以一軍力掃桐城俟安慶桐城克復後即督師北上相機堵剿上諭內閣遵匪屯聚潛山縣城及懷甯縣屬之

石牌鎮地方都與阿李續賓分路進剿克復縣城並將石牌上下賊壘全行踏平著都興阿等即聯絡水師進攻安慶並力持桐城迅殄賊氛○諭軍機大臣等勝保等奏南北軍情並緊分籌堵剿一摺見在皖省南路逆鋒方張北路捻氛復熾加以東面天長既失肝眈爲我軍通餉之路不容再有疏虞該大臣業派保英等帶兵會台莫爾康阿馬隊赴天長迎頭截剿並經翁同書添派兵勇飭副將惠成帶起明光鎮扼紮此時總宜力護餉道勿令阻梗並嚴堵懷遠免令蔓延勝保等兵力難兼顧須須探明有賊之區向前迎擊龍澤厚一軍在渦河挫敗本應將該總兵及帶兵各員弁治以應得之罪姑念潰軍由於缺餉免予懲辦着勝保等飭大勉圖後效以贖前愆儘再不知愧奮即著從嚴參辦將此由六百里諭令知之○賞工部左侍郎杜翰戶部右侍郎杜翻銀四百兩辦理伊母喪事○以潘曾瑩爲工部左侍郎○壬午諭軍機大臣等明誼奏俄夷互換文憑照舊通商一摺塔爾巴哈台焚燒夷園一案經明誼等疊次開導用茶箱貼補分年賠償見已互換文憑通商和好辦理尙爲妥協所有一切籌辦貼補各事宜並所定條約即著照議辦理令即速帶兵離卡以安民心至伊犁委員哈布齊賢等隨同辦理此案已閱數年尙屬著有微勞著明誼咨會孔拉芬泰酌量保奏候朕施恩將此諭令知之○諭本日據德興阿奏賊陷揚州退扼施橋又據楊能格奏兵勇潰散江北益加危急各摺片覽奏實堪憤懣德興阿收集潰兵移紮五臺山方冀其重振軍威力圖徵等處爲進取之計乃天長之賊直奔揚州初三日攻破郡城據楊能格奏報情形縱火之賊數止七八十人而各路兵勇望風潰散是德興阿自浦營失陷之後已不能成軍見在退守邵伯揚州南路已屬空虛深恐賊匪渡江而高郵又有賊蹤設再有疏虞北路亦不堪設想德興阿見尙患病鞠殿華受傷未愈本日已降旨令總兵毛三三幫辦軍務該總兵即協同德興阿加意整頓○明軍律扼要設防以遏賊匪北竄爲要見已諭勝保廣天徑赴揚州以助德興阿等兵力復命和春帶毛三三幫辦軍務該總兵即協同德興阿加意整頓○明軍律扼要設防以遏賊匪北竄爲要見已諭勝

仍諭和春分半救援六合分半攻取揚州俟該官兵到後即由和春調度○親自督帶過江攻取揚州屆時德興阿等務當會合夾擊以圖恢復楊能格見在襄下河所有該處糧臺著妥爲保護勿許疏失將此由六百里加緊諭知德興阿鞠殿華毛三三並傳諭楊能格知之○諭本日據德興阿奏揚州失陷退紮邵伯堵另股賊匪又向高郵竄撲各情不圖江北各軍挫敗至此竟奏易勝憤懣已降旨令毛三三幫辦德興阿軍務仍責令該大臣等力扼北竄俟援軍到齊即圖進取惟軍心渙散賊氛愈張德興阿等退守邵伯已在揚州北路而南路無兵扼守恐該逆復擾瓜州卽鎮江亦屬可危金山峙立江心尤爲扼要之地雖據德興阿前奏瓜州有副將鞠耀乾督帶師船駐守並有和春所調黃彬師船駐泊鎮江恐尙不足以資遏截萬一瓜鎮有失則前功盡棄實屬不堪設想著和春暫將金陵攻剿事宜交張國棟妥爲調度該大臣卽酌帶官兵前赴鎮江駐紮就近調遣水營戰艦嚴扼金山並另派勁兵渡江駐紮瓜州勿令揚城逆賊南竄俟由浙調回之周天培各軍到後卽照前諭分撥一半救援六合其餘一半和春卽可督帶渡江攻復揚州此外另諭勝保撥兵赴揚以助德興阿等保守北路屆時卽可爲南北合攻之計何桂清前赴蘇州會辦夷務見在

賊勢猖獗急應折回常州藉資彈壓俟和春渡江即著該督移紮鎮江以資控馭至揚州失陷在城文武如何下落著查明具奏將此由六百里各諭令知之○諭前因清淮防剿喫重諭令崇恩撥兵一千名派赴清江交邵燦等調遣本日據德興阿奏揚州府城已被天長逆匪攻陷另股又撲向高郵儻該州有失則邵伯前後皆賊清淮道路隔斷賊可直竄清江闖入東省等語見在德興阿駐紮邵伯所集潰兵節節退避邵伯以西之陳家溝等處地方亦有賊蹤清江相距不遠情形愈增喫緊必須重兵堵剿以杜北竄所有山東派赴清江之兵如尚未啟程著崇恩迅派得力將弁管帶飛速前往以便邵燦等趕緊布置援應高郵一帶如兵力尙屬不敷卽著邵燦庚長與袁甲三伊興額等面商如徐州兵可以分撥卽當先其所急派赴清江協同防剿儻徐州亦形喫緊自可毋庸勉強邵燦等惟當撥兵擇要設防爲高郵邵伯後路策應並嚴扼清淮以固北路藩籬將此由六百里加緊各諭令知之○諭勝保等前以儀徵天長相繼失陷分派莫爾康阿馬隊馳往攻剿當以六合孤危諭令赴援昨又據勝保等奏續派保英等帶兵前赴天長截剿翁同書亦添派兵勇飭副將惠成帶赴明光鎮扼紮原以力護盱眙餉道並救援東路起見本日據德興阿奏揚州已於足恃著勝保等卽飭前派各兵繞至揚州萬福橋一帶以助德興阿兵力至南空虛見命和春帶兵馳往鎮江扼要調度俟援浙各兵調回卽可與勝保派往之兵南北合剿見在勝保等既無暇攻剿廬州惟有酌分兵力以助揚州亦於大局有益至六合孤城存亡未卜仍著德安馳往援救和春所撥兵勇到後兵力亦不爲單薄並著勝保就近調度將此由六百里加緊諭令知之○命柏復爲大學士調瑞麟爲戶部尙書肅順爲禮部尙書以瑞常爲理藩院尙書綿森爲左都御史

總兵官選

○以湖廣總督官文協辦

大學士○命翁心存爲大學士調朱鳳標爲戶部尙書以陳孚恩爲兵部尙書

尙書

○命直隸大名鎮總兵官毛三元幫辦欽差

大臣德興阿軍務○以揚州府城被賊竄陷革欽差大臣德興阿騎都尉世職拔總兵官

殿華花翎

○癸未諭軍機大臣等八月

間擒匪由豐縣竄東省曹單等處均因民團協力得以卽時擊退該匪由東竄豫復以團練整齊是辦理團練以助兵力之不足責屬著有成效此時皖北賊氛延蔓儀徵天長揚州各郡縣相繼失守高寶均已震動北路籌防極關緊要亦未能遽議徵調致滋擾累惟有聯絡民心使之固結不解則內匪無由竊發卽外匪無可窺伺直隸省南路各屬與山東河南兩省在在毗連尤

應未雨綢繆以期有備無患著慶祺督飭所屬文武商同各該地方公正紳士將應行團練各事宜實力籌辦毋得有名無實儻地方官有陽奉陰違不肯認真勸辦或藉端騷擾以致民人解體者卽著從嚴參奏其能盡心勸諭及紳民人等實能捐貲出力者准

其隨時保奏並著安速舉行不得稍涉延緩將此諭令知之○諭昨因德興阿奏揚州失守清淮喫重諭令邵燦庚長函商袁甲三

等酌撥徐州兵勇協同防剿本日據趙德輟奏請添調精兵防賊南竄鎮江北竄淮揚等語自係未知揚州失事之信見在鎮江一

路已諭令和春親往調度並派兵渡江攻取揚州諒該大臣等接奉諭旨自能妥籌布置以遏南竄惟清淮一帶實屬空虛各路帶

兵大員均有鞭長莫及之勢清江淮安北路要衝即該漕督等之責所有漕河南標官兵及清江所募練勇急應挑選精銳擇要布置近防不如遠剿總期力扼高郵邵伯庶清淮可保無虞至揚州兵力尙嫌單薄昨諭勝保仍飭德安往援六合而令派往天長之保英等所帶兵勇繞赴萬福橋助德興阿等防剿其浙江調回之周天培等軍約六千餘人亦令分半赴援六合以十半助攻揚州但恐緩不濟急著袁甲三傳諭傳振邦與鞠殿華毛三元等協力進攻迅圖規復前諭調山東兵一千二百名馳赴清江本日已諭崇恩迅速派往卽歸傳振邦統帶至徐州剿匪應須武職大員卽著袁甲三於得力將領中酌派一員督率進剿毋任遲延將此由六百里各諭令知之○甲申以恭送 孝賢純皇后 孝儀純皇后 仁宗睿皇帝 孝淑睿皇后 孝和睿皇后 宣宗成皇帝 孝穆成皇后 孝慎成皇后 孝全成皇后 冊 實 仁宗睿皇帝御容 宣宗成皇帝實錄 聖訓供奉尊藏盛京詣 太廟行禮○欽差大學士桂良等奏會同何桂清商辦夷務情形得旨卽使照該督之意辦結問該督能否以首領保之是該督真有把握朕亦無不欣允○乙酉幸圓明園○諭軍機大臣等崇恩奏克曹二鎮官兵未能聽袁甲三遣等語所稱山東官兵力本單設再聽袁甲三調遣則事權不一本省防剿愈難措手自屬實在情形所有克曹二鎮官兵遣有袁甲三咨調之處仍著崇恩斟酌辦理不得遽行出境轉致該省腹地空虛將此由五百里諭令知之○予山東陣亡故 諭趙介福等祭葬世職○丙戌諭軍機大臣等前因揚州失陷諭令勝保派兵前往德興阿軍營助剿本日據和春奏江北北軍情緊急張國樑親統大兵六千餘名渡江剿辦德興阿等收集潰兵已不能自振得此重兵相助尙可克復揚城並據勝保等奏東西 路擊賊獲勝但兵力不敷軍情仍屬危急天長逆匪直撲盱眙經營總莫爾賚阿等截擊敗回設盱眙再有疏失則清淮亦屬可虞該大臣派莫爾賚阿駐紮天長盱眙之間卽飭該營速行進剿籌復天長至前命勝保發兵繞往易州如道路難通兵少未 深入今揚州既有張國樑重兵前往勝保等又須兼顧定遠未可偏重東路卽以莫爾賚阿一軍進剿東路毋庸再行分兵赴前調湖南四川官兵見據王慶雲奏已遵撥一千名派副將成興統帶於九月初二日啟程湖南省尙未奏到至六合孤城被圍日久浙中調回周天培等所帶兵勇深恐緩不濟急前諭勝保等派令德安統兵往援卽著飭令迅速前進實力援應不得稍涉遲誤袁甲三見駐宿南務與勝保等和衷共濟南北夾擊以免捻匪再圖北犯前諭飭令傳振邦前赴清淮並令崇恩撥兵一千名交該總兵統帶助剿此時天長賊匪圖撲竄實應是邵伯後路已不免有賊蹤清淮萬分危急著袁甲三卽飭傳振邦迅速前進迎頭截擊勿使賊氛蔓延所撥山東官兵並著飛催應調毋任遲誤並著迎調未到馬隊馬匹毋任逗遛將此由六百里各諭令知之○諭和春奏續派重兵赴援江北一摺覽奏深合機宜見在揚州已失德興阿退駐邵伯收集潰兵不足四千勢難復振得張國樑親督重兵前往援剿揚州可望克復此時張國樑進兵由江南北渡該逆自不能徑撲南岸而浦口儀徵通江之路正復不少總以金山爲扼要該大臣前調黃彬李新明師船分泊鎮江及石埠橋其金山要隘尤須有水師扼守以爲大江鎖鑰南岸鎮江亦宜妥爲布置至六合被圍已久若待張國樑克復揚州儀徵

再往援救恐其力已不支浙江調回之兵又緩不濟急鄭魁士既不能遠離灣汴其所募之勇或另派得力將領統帶赴援六合志可稍資策應前命勝保派德安帶兵救援六合但恐安徽所撥兵力較單此時江南大營屢次分兵賊勢方張該大臣等務當通籌兼顧毋稍疏虞將此由六百里加緊諭令知之○丁亥諭軍機大臣等本日據桂良等奏夷務辦理棘手等語桂良等未抵上海即將內定辦法擅擬更改已屬大負委任業經嚴切批示並疊次寄諭乃甫經到滬一切尚未會議即已別生枝節若必盡逐該夷之欲則是中國黜陟之權外夷得而操之尙復何所底止惟桂良等既有另片參奏黃宗漢之語業經告知夷人是以另發寄諭將黃宗漢等所辦原委及羅惇衍等見已停兵之處示明使知桂良等並非誑語以安其心而示之信至會議辦法總須恪遵九月十二日諭旨將派員駐京內江通商及內地遊行賠償兵費始還廣東省城四項全行消弭方可曲從所請若如所奏止將第一要事消弭並於稅務中將賠款按年攤還令其還廣東省城其餘各事從緩想法是仍然貽患無窮斷不能允桂良等既已擅允於前又不能挽回於後轉於前議之外別起波瀾何桂清身受重恩於特命會辦之牛風執一己之見苟且了事甚至有不忍言不敢言等語詎料未盡所在有何不可詳陳而爲此隱諱之語耶才力能悉心公營將四項事件挽回朕亦別無他諭桂良等自問當得何罪○諭袁甲三奏軍情緊急請飭催各省月撥餉銀等語前因袁甲三糧臺缺餉諭令山東等省自本年六月爲始每月各撥銀二萬兩茲據奏河南省按月認解銀二萬兩山東省僅解過一萬兩見在各營口糧欠發二久兵勇飢寒文迫難免鼓譟之虞情形實爲緊急山西省已解過銀二萬兩其山東河南兩省迄未能按期報解未免貽誤事機○崇恩瑛瑛榮仍遵前旨責成各該藩司每月各撥銀二萬兩解交徐州糧臺以應急需毋令缺乏此由五百里各諭令知之○諭袁甲三奏傳振邦奉調行抵灘溪遇賊失利見飭整頓隊伍占定灘溪再圖進剿等語揚州失守以後天長賊匪東窺實應清淮一帶情形實屬危急昨據和春奏張國樞業已統兵渡江並恐南路得手逆眾益圖北竄著袁甲三遵照前旨即飭傳振邦統領所部剋日馳之清淮相機迎剿毋令賊匪得以北犯所謂山東官兵並著催提迅速前進至灘溪地方亦關緊要即著袁甲三另派得力之員帶兵防堵一俟淮揚軍務得有轉機即可令傳振邦仍回徐州助剿將此由六百里諭令知之○命甘肅西甯鎮總兵官成明幫辦欽差大臣德興阿軍務○戊子諭軍機大臣等王懿德奏帶兵前赴延平督辦防剿一摺王懿德前因患病給假調理茲以病體稍痊即於八月二十日由省啟程前赴延平督辦軍務具見急公憫恤覽奏欣慰本日據慶瑞奏崇安克復以後邵武賊勢極爲窮蹙即著該督激勵弁兵速籌攻克俾全省均就肅清至省城亦關緊要王懿德行抵延平接印後慶瑞即著回省周天培一軍因江北儀揚失陷六合被圍疊經和春等奏請調同援應業經諭令速行調往並著王懿德飭令該總兵統率所部迅速啟程馳往江蘇聽候和春張國樞調撥毋許遲誤將此由六百里諭令知之○諭前因懷鳳軍情喫緊徐廣縉所帶各軍茲據瑛瑛奏稱王庭蘭身體多病辦理軍務恐非所長難資捍禦各等語惟該員接

奉瑛榮行知計已折回懷遠軍營仍著勝保就近飭令該員暫時統帶並加察看如果不能勝任卽著另擇膽略素優堪勝此任者酌保一人迅速具奏王庭蘭侯接管有人卽著來京陛見將此由五百里諭令知之○于福建殉難知縣莫自逸祭葬世職建祠○庚寅諭軍機大臣等勝保奏德興阿自浦口失事以後節節退避請飭實力前紮抑或另派重臣等語此次德興阿堵剿不力以致兵勇潰散儀揚等處相繼失守一敗塗地實所不料因念德興阿患病鞠廢華受傷故僅予薄懲責令收集潰兵迅圖克復復派總兵毛三元成明幫辦軍務昨據德興阿等奏稱張國樑親督重兵渡江赴援已抵萬福橋見已豫派兵勇隨同南岸官軍進剿邵伯等處亦連次擊賊獲勝該匪尚未北竄勝保因儀揚失守馳抵盱眙力籌扼剿實屬不分畛域深合機宜此時東路有張國樑等剿辦一經得手該逆勢必回竄自應扼要堵剿未便深入致西北空虛盱眙密邇天長該大臣業經派兵攻擊若能迅拔天長則亦可孤六合儀揚之賊勢惟鳳臨捻匪尚未剿除廬州亦未收復賊蹤分竄在在堪虞如翁同書一軍堪資禦侮則勝保自應仍駐盱眙以壯聲威而籌攻剿設或定遠等處情形緊急該大臣仍當折回策應未可偏重東路致有疏虞將此由六百里諭令知之○諭前因江北糧臺用款支絀當諭河南山東陝西各省將應解江北協餉按月籌濟山西亦酌量撥解以濟急需茲據楊能格奏餉源日絀各省欠解尚多請飭催撥解等語見在浦口揚州先後失陷行營軍火一空用款日繁而餉源日絀支應益難自係實在情形著崇恩恆福瑛榮曾望顏各將欠解江北糧臺協餉趕緊籌解以資接濟毋誤要需此由五百里各諭令知之○壬辰諭內閣前據李鈞等奏運河挑工請全用實銀以資趕辦當交戶部議奏茲據奏稱東省運河二需例價已有五成實銀其津貼之款如動七年前商息照例銀鈔搭放各該廳果能覈實支發毫無侵蝕必可有贏無絀何得仍以不敷爲詞率請全用實銀李鈞等所奏著毋庸議至見在運道梗阻來年是否分成河運尚在未定並著該河督將辦理河工擬挑淤墊之處暫停挑辦以節糜費○官文都興阿李續賓奏桐城城高而堅係皖省東北路之樞最爲要害自咸豐三年一月間該逆盤踞城中淪陷至今其城之北門跨山該逆於山上修大輒壘二座東北一帶修大輒壘三座小壘四座又於西南一帶修壘四座恃爲負隅久計臣李續賓派副將趙克彰等拔營先進親率副將何紹彩等繼之趙克彰等至城外五里墩地方正在紮營該逆分五路來趙克彰等列陣於中路山上以當其衝黃勝日等排列於右丁銳義等隱伏於左該逆逼近趙克彰等齊出橫衝刺斃悍賊多名賊皆狂奔保慶等各率馬步急追遂乘勢攻破西南四壘計斃賊一千六七百名次日賊復由西門出撲趙克彰等整隊鏖戰其東北面城中壘中之賊潛出大股自山後繞鈔我營後路適臣李續賓率後隊各營甫至突前迎擊出賊不意各營奮力前衝賊滿山奔竄殺斃約二千餘名其前面撲營之賊亦驚潰繞奔東北門入城固守臣李續賓卽率營追至近城當飭各營偪城之西南北三面駐營連日加修營壘派副將何紹彩等攻西南城門親率李續燾等馬步由西門繞南門而東先攻東面兩大壘各營一鼓猛撲銳氣百倍越濠緣登其賊壘止有一門及各勇攻入無路奔竄圍而殲之遂分攻四小壘羣賊見兩壘悍賊盡被屠戮蒼黃驚亂棄壘而逃趙克彰等各勇攔截殺之其第

三大壘切近城垣各營分兵近逼城門賊不敢出各弁勇奮力撲壘破其壘門盡殺壘中之賊轉攻北門山上大壘仰攻逾時火彈拋入二壘相繼火發羣賊被焚被殺無得脫者自卯至申其破賊壘九座殺賊約六七千名諸壘既破乘夜飭趙克彰伏東門外之高更樓木魚山一帶朱希廣等攻北門李續燾等攻南門周寬世等攻西門列炬環城火光如晝三更時各勇乘隙緣登賊拌命開東作向陽二門分路衝出趙克彰等伏兵齊起前後夾擊追殺四五十里屍積道旁奪獲駱馬五百餘匹大礮百餘尊旗幟軍械火藥鉛彈五千餘件臣李續賓進城招集士民桐城縣城業經克復所有在事最爲出力之副將趙克彰等謹先行開列懇請分別獎敘其餘出力之文武員弁可否由臣等覈實奏獎出自 天恩 上諭李續賓督兵進攻桐城派令副將趙克彰等各營先後繼進攻破城外賊壘乘夜進攻各門各勇攀登前後夾擊收復縣城安徽桐城縣地方險要被賊盤踞數年此次進攻克復迅速辦理尙屬得手仍著官文飭令李續賓等督率各軍以次進克舒城等處掃蕩逆氛○癸巳諭軍機大臣等胡興仁奏請於饒郡駐紮重兵以重三省邊防等語饒州爲皖南浙江福建等省邊防重地見在福建省邵武一城尙爲賊踞九龍山亦時有土匪滋擾皖南一帶之賊方是德爲賊蹤止沒之所若以重兵折衝創州具防可資策應而於三省邊防均有裨益見在江西省吉安府城已復全境業已肅清惟據曾國藩奏景德鎮尙有賊蹤正宜移撥官兵擇要扼紮杜三省之竄越即以固江西之藩籬著著齡酌量選派得力將弁統帶重兵前赴饒州駐紮以資防守將此由五百里諭令知之○甲午諭內閣德興阿奏南北兩軍會同攻克揚州府城一摺逆匪竄踞揚城後屢由西北山焚掠並於黃莊橋等處出沒無常圖犯邵伯經張國棟由南岸督帶重兵渡江九月十四日夜間密諭各營挑選勇隊進攻東南兩門逆匪擁眾出撲我軍勇氣百倍轟斃逆匪無數匪即敗退遊擊馮觀勝黃靖等帶領兵勇分路殺至各門突有騎馬悍賊由北擁出張國棟飛令兵勇飛馬迎擊並施放礮連環繼進斃黃袍賊首五名賊隊驚亂張國棟飛令四路馬步各官軍一齊搶進鞠殿華成明富明阿等相繼迎擊逆賊自相踐踏賊屍枕藉殺斃淹斃轟斃不計其數遂於九月十五日將府城克復此次賊踞揚城旬餘即行克復剿辦尙爲迅速所有在事出力人員著准其會同張國棟擇尤保奏○諭勝保翁同書奏截剿北竄粵匪大獲勝仗一摺逆賊竄踞天長意圖北竄分股約二萬人於十二日直撲三河集經派防將壩道員赫特赫訥帶勇堵禦未能過河適勝保派援之副都統麟瑞等督兵馳至高橋遇賊接仗殺賊多名逆眾猶思竄渡並糾合各村匪徒肆行焚掠官軍於十三日復加痛剿將壩防兵亦極力轟擊賊匪大敗奔潰勝保復督帶親軍抵三河集該逆遂悉數南遁先後殲匪五百餘名被轟斃者不計其數三河集地方業已肅清辦理尙屬得手所有在事出力員弁兵勇著勝保俟追剿竄匪淨盡彙請獎勵其將壩防堵出力人員並著邵燦庚長查明保奏○諭扎拉芬奏查明回莊啟豐原委請將辦理不善各員分別懲辦等語上年喀什噶爾回界滋事既因銅廠交課苦累聚眾抗差經前任領隊大臣巴哈善派委驍騎校巴彥察度章京佛爾果布疊次往勸輒聽回眾飾詞草率稟覆實屬顛預巴彥察度佛爾果布均著照該革職佛爾果布在於派辦善後尙能得力著仍留該城當差以觀後效

前任領隊大臣巴哈善換防總兵伊綿阿前經降旨革職畱任著俟八年無過方准開復業爾光參贊大臣慶英到任未久幫辦大臣固慶本無統轄之責前署領隊大臣阿克達春未經辦理銅廠均著加恩免議英吉沙爾領隊大臣烏勒欣泰雖查無畏忌重情究屬疏於防範著交部照例議處撤任阿奇木伯克愛瑪特失守回城罪有應得念其平日尙屬急公亦無苛派虐虐情事著免其斥革以昭平允○諭軍機大臣等本日據德興阿等奏揚州府城業於十五日克復張國樑帶兵由儀徵前往六合並稱高寶一帶時有賊匪由湖東犯各等語並據勝保等奏截剿天長北竄粵匪大獲勝仗逆眾悉數南遁一摺天長竄匪直撲三河集意圖北犯經勝保督飭弁兵擊退辦理極爲得手惟該逆被剿南遁設由湖內竄撲高郵寶應則清淮仍形喫重必應將天長縣城速爲克復庶賊眾無由東犯即可杜其北竄見在張國樑親統六合於儀揚等處尙可兼顧至天長地近盱眙卽著勝保乘此聲威將該處賊匪痛加攻剿速復縣城無任逆賊入踞提督德安一軍據該大臣奏稱業經啟程並著飭令迅速前赴六合會同張國樑速解城圍至懷遠軍務馬頭城等處業已肅清徐廣緒病勢較減著卽飭令該員會同龍澤厚妥籌攻剿並須嚴密布置毋得再有疏虞將此由六百里諭令知之○諭本日據德興阿奏高郵寶應沿湖均有賊船恐其東竄清淮並據勝保奏賊匪竄聚三河集經蔣燦兵勇會同官軍截剿獲勝已令德興阿酌撥機礮兵勇前赴高郵一帶協同堵剿矣見在德興阿收集兵勇尙有萬餘揚州府城業已克復張國樑已赴援六合勝保亦進攻天長自應以清淮一路爲最要著邵燦等督飭在事員弁實力堵剿務使賊蹤不能過湖北路方有把握如不敷調度卽飛咨德興阿將該撥之兵迅速派撥以厚兵力傳振邦是否已抵清江前調山東官兵據崇恩奏已派兵四百名派勇六百名兼程前進儻該總兵帶兵到浦可令其暫畱防剿俟逆氛漸遠再行折回徐州將此由六百里各諭令知之○諭慶端奏請畱帶兵總兵以資鎮守等語福建漳州鎮總兵周天受雲南鶴慶鎮總兵周天培此次帶兵援閩克復各城戰功懋著該撫請畱該總兵等在閩坐鎮自保爲保障地方起見惟周天受一軍因前南緊急經張芾調回防剿昨據胡興仁奏該總兵見在籌攻婺源周天培一軍因江北軍務喫緊業經飛調該總兵回至江蘇見在揚州雖已克復而浦口天長儀徵尙淪於賊需兵甚急未便遲畱見在閩省邵郡克復全境已漸肅清並有饒廷選張蛟蛟林向榮等員堪資差遣已不乏人卽著王懿德等妥爲調度俟徽郡軍務稍鬆再令周天受回漳州本任可也將此由六百里諭令知之○諭扎拉芬奏奏請將該員革去伯克仍畱世職原屬咎有應得因念受瑪特平日尙知急公業經降旨從寬免其革去伯克惟據扎拉芬奏稱訪聞逆黨因恨愛瑪特疊次首告計圖報復該員旣無經手未竣及交代未清等事自不必令其久處喀城以致別啟釁端著裕瑞卽飭愛瑪特前赴阿克蘇伊子任所將此諭令知之○署閩浙總督慶端奏攻克邵武府城福建地方一律肅清得旨嘉獎下部議敘○江西巡撫耆齡奏福建股匪竄至廣豐復竄玉山勢極猖獗經候選道李元度廣饒九南道沈葆楨等力保兩縣危城擊敗數萬狂寇實屬異常出力其竄新城縣者經張運蘭等兜